

## Caka - Ruuhu Konirtaa Deftere Ceniinde - SW Intro Scriptures

Luka 17:5 Lilaabe Yeesu mbi'imo, "Beydanmin hoolaaki Yehowah!"

Roomanko'en 10:17 Ngam non, hoolaaki Yehowah e hebee laawol nanki habaru Almasiihu, nden habaru Almasiihu e nanee laawol wa'ajinki dow maako.

Luka 11:1 Wonde nyalnde Yeesu e wada do'aare to wonde wigeere. Nde o heenyi do'aare nden, go'oto nder tokkubemo wi'imo, "Moodibbo, ekkitinmin no min ngadirta do'aare, non no Yahaya Gadoowo Baptisma ekkitiniri tokkubemo."

1 Timooti 2:1-4 Ngam non, arande e mi wi'a dum wada ka toraaki Yehowah, dum wada do'aare, dum toroomo, dum yettamo ngam koo moye. 2 Dum wadana laamiibe do'aare, e koo moye ardiido ngam njoodooden jam hakkiilo meeden e fukkii, en mawnina Yehowah, en ngada ko o wi'i. 3 Non e woodi. Yehowah Kisnoowo meeden e nana beldum maajum, 4 ngam e mo yidi koo moye anda goonga hisa.

Luka 22:31 "Siiman, Siiman, raddum Ceydan yamii laawol foonda'on, boo o hokkaama. E mo yidi o seda'on no dum sedirta alkamaari e nyaande.

Jakaariya 3:1,2 - Yahuuda 1:9 Koo Miikaa'ilu ardiido malaa'ika'en wadaayi non. E carel ko o yeddootirta e Ceydan dow bandu Muusa ko maayi, o mawninaayi hoore maako o habana Ceydan nder haala baleha. Ko o wi'i tan woni, "Joomiraawo habanmaa!"

Aafisanko'en 6:12 Ngam naa' yimbe kondeten, ammaa en konda e ginni gondi dow, laamotoodi, e goodudi bawde, e jogiidi laamu duuniyaaru ndu'u ndu jaamanu nyiwire.

Aafisanko'en 6:10,11 Ko mbi'aymi cakitiidum woni alee bawde mawde de Joomiraawo meeden sembidina'on. 11 Bornee fuu kolte konu de Yehowah hokki'on ngam mbaawon daraaki, nganyon yoyre Ceydan.

Aafisanko'en 6:13-17 Ngam non, bornee fuu kolte konu de Yehowah, ngam to nyalnde kallunde warii, mbaawon daraaki nganyon yoyre Ceydan. Gada on njottinii koo dume, dum tawa on ndarii. 14 Ngam non, ndaree on ciryii. Goonga warta taadorde moodon, aadilaaku warta togoore njamndi moodon nde konu. 15 Siryaaki yaaruki Habaru Beldum dow Yeesu Almasiihu dum jam warta bo pade to koyde moodon. 16 Gada maajum maa, hoolaaki Yeesu warta ko njogotoodon tabboo nyifa hiite pidille de ganyo kalludo on don fidoyi. 17 Kumnee humneere njamndi nde konu, waato kisndam. Koccee kaafahi Ruuhu Yehowah, waato Wolde maako.

Ibraaniyanko'en 4:12 Wolde Yehowah e woodi yonki e nde huwa, nde burii

koo kiye kaafahi welki. E nde taya haa nde senda yonki e bernde, nde senda jokkoode e mborboondi. E nde senda suunooji e nyumooji bernde boddii e di mboodaa.

Luka 4:8 Yeesu wi'imo, "Aayaare wi'ii, 'Mawnin Yehowah Joomiraawo maada, kanko tan mawnintaa.' "

Aafisanko'en 6:18 Koo ndeye ngadee ka waduki do'aare no Ruuhu Yehowah holliri'on nder koo dume dum ngadoton. Kadin ngadon ka toraaki Yehowah walla'on. Ngam fii du'um, paamee, to' on njabu comon, koo ndeye ngadee ka wadanki yimbe Yehowah fuu do'aare.

1 Samaa'il 17:45-47 - Dawda & Goliath

Luka 10:17-20 Sey tokkubemo 72 ngarti e nana beldum, be mbi'i, "Moodibbo, haa ginni maa ngadii ko min mbi'idi fuu nder inde maada!" 18 O wi'ibe, "Mi yi'ii Ceydan yanoyii bo mayfere daga dow. 19 Raa, mi hokkii'on laamu yaabuki dow boole e jahe e hebuki jaalorgal dow bawde Ganyo, walaa ko hebata'on. 20 Ammaa to' on nanu beldum ngam ginni e ngada ko mbiidon, ammaa nanee beldum ngam inde moodon mbindaama e wuro Yehowah."

2 Korintiyanko'en 10:3-5 Koo nde e duuniyaaru min ngoni, min konirtaa bo duuniyaaru ndu'u, 4 ngam min konirtaa ko ndu honirta. Sey ni ko min konirta e woodi bawde Yehowah baawayde kalka ko woodi sembe fuu. 5 E min keba jaalorgal dow koo diye geddi e mawnitaare kadaynde yimbe anda Yehowah. E min nanga nyumooji fuu, min ngartiradi gadaydi ko Almasiihu wi'ii.

Maatiyu 16:19 Mi hokkete mabbitirkoy Laamu Yehowah, fuu ko kadudaa e duuniyaaru, Yehowah Mo Dow jabi. Donmaa fuu ko aludaa dum wada e duuniyaaru, Yehowah Mo Dow jabii."

2 Timooti 1:7 Ngam Joomiraawo hokkaayi'en ngikku kulol, ammaa o hokkii'en ngikku yidde e bawde e suruki ko'e meeden.

Maatiyu 12:28,29 Ammaa, to e mi wurtina ginni nder bawde Ruuhu Yehowah, too, hollii Laamu Yehowah waranii'on. 29 "No wadata dum waawa nattuki wuro neddo cembiddo dum teetanamo ko o woodi, naa' sey to dum artii habbukimo? Nden dum waawa hoccuki ko o woodi nder wuro ngon.

Aafisanko'en 1:13 Onon maa, on ngartii yimbe Yehowah carel ko nandon wolde goonga, waato Habaru Beldum dow Yeesu gaddandum'on kisndam. On koolakemo, Yehowah boo hokkii'on Ruuhu muudum dum o wadani'on alkawal. Ruuhu dum hollii on ngartii be maako.

Kuude Lilaabe 19:6 Nde Bulus yowi juude muudum dow mabbe, Ruuhu Yehowah jippoyii dow mabbe, be meti nder demde de be andaa, be puddi wa'ajinki.

Markus 16:15-18 Nden o wi'ibe, "Njahee koo toye nder duuniyaaru nga'ajinanon koo moye Habaru Beldum. 16 Koo moye kooliidayam

wadanaa baptisma o hisay, ammaa fuu mo hoolaakiyam dum tay'anaymo kiita. 17 Fuu koolibeyam be ngaday kuude kollayde e be ngoodi bawde Yehowah. Nder inde am be mburtinay ginni, be ngaday do'aare nder demde de be andaa. 18 Be nangay boole e juude mabbe, nden to be njarii tooke, de ngadantaabe godsum. Be boo njowanay nyawbe juude, nyawbe ben njamditaa."

1 Yahaya 1:9 Ammaa to en mbi'ii Yehowah hakke dum ngaduden, o yaafanto'en hakke meeden, o loota'en daga ko woodaa dum ngaduden, ngam kanko o kebbinoowo alkawal, e mo woodi aadilaaku.

Jabuura 109:17 - Yaakubu 3:10 Mantuki e huduki e wurtooyoo daga honduko go'o. Onon bandiraabe am, non haanaa.

Kiita 16:16 - 2 Biiturus 2:7,8 O hisnii Luutu aadilijo gannudo e kuude kallude de yimbe kallube ngadata. 8 Luutu o aadilijo, e mo joodii nder mabbe. Koo ndeye e mo wanni ngam e mo yi'a kuude kallude de be ngadata.

Aafisanko'en 4:26 Taa monnii, taa' jabu monnere nden wadumaa ngadaa ko woodaa. Taa' alu naange yana a monni.

Roomanko'en 14:12 Ngam non, koo moye meeden wi'ay ko wadi yeeso Yehowah.

1 Yahaya 2:23 Ngam koo moye wanyi Biddo on, wanyii Nyaako on maa. Fuu biido e njayri Yeesu o Biddo Yehowah, e sumpootira e Yehowah Nyaako Mo Dow won don.

Yahaya 14:6 Yeesu wi'imo, "Min woni laawol, min woni goonga, min woni yonki. Walaa jahaydo to Nyaako Mo Dow sey to tokkiiyam."

Maatiyu 11:28-30 "Ngaree to am on fuu dondiibe donje teddude, mi hokkay'on siwtaare. 29 Tokkee ko mbi'aymi'on. Ekkitee to am, ngam e mi woodi hakkiilo, mi lestindo hoore, nden berde moodon mbaltoto. 30 Ngam ko mbiimi'on ngadon dum sadaa waduki, nden dongal am teddaa."

2 Korintiyanko'en 6:2 Ngam Yehowah wi'ii, "Nde carel kaanungel wadi, mi nanii do'aare maada, nde nyalnde kisndam wari, mi walliima." Raa, jooni woni carel kaanungel, jooni woni nyalnde kisndam!

Roomanko'en 10:13 No aayaare wi'i, "Koo moye toriido Joomiraawo hisnamo, Joomiraawo hisnaymo."

Gurtaaki 20:5 - sin cursed to 3 & 4 generations